

中央研究院歷史語言研究所編

維新書局印行

明清史料

(古)

戊編

第四本三卷六本

中華民國六十一年三月再版

明清史料

甲編至戊編
精裝全十五冊

定價新台幣參仟元正

編輯者：中央研究院歷史語言研究所

出版者：中央研究院歷史語言研究所

員工福利委員會

地址：南港研究院路二段一三〇號

發行者：蔣紀周

內政部登記證內版台業字第一二二一號

發行所：維新書局股份有限公司

局址：台北市館前路六十七號

印刷所：正大印書館股份有限公司

地址：三重市光復路一段十二巷一號

版權所有
翻印必究

明清史料目錄

戊編第四本

三百零一至四百葉

戶部「爲內閣抄出漢字上諭一道」移會	三〇一	兵部「爲內閣抄出將軍公福康安等奏」移會	三〇〇
刑部「爲內閣抄出閩浙總督李侍堯奏」移會	三〇二	兵部「爲內閣抄出和碩怡親王等奏」移會	三〇二
給臺灣總兵普吉保勅諭	三〇三	兵部「爲內閣抄出漢字上諭一道」移會	三〇三
署理閩粵南澳總兵鄭元好題本	三〇三	吏部「爲內閣抄出將軍公福等奏」移會	三〇三
臺灣軍營將軍福康安等殘奏摺	三〇三	刑部「爲內閣抄出臺灣軍營將軍福康安奏」移會	三〇四
大學士公阿桂等奏摺	三〇五	會	
兵部「爲內閣抄出將軍公福康安等奏」移會	三二二	吏部題本	三五
兵部「爲內閣抄出將軍公福康安等奏」移會	三二三	禮部題本	三三
禮部「爲內閣抄出將軍福康安等奏」移會	三二四	刑部「爲內閣抄出福建巡撫徐嗣曾奏」移會	三七
禮部「爲內閣抄出協辦大學士陝甘總督公福康		刑部「爲內閣抄出福建巡撫徐奏」移會	三八
安奏」移會	三二九	閩浙總督李侍堯題本	三九
刑部「爲內閣抄出管理步軍統領定郡王綿恩		吏部「爲內閣抄出奉上諭一道」移會	三一
奏」移會	三三〇	戶部「爲內閣抄出大學士伯和等奏」移會	三一

明清史料

戊編第四本目錄

國立中央研究院
歷史語言研究所

福建巡撫徐嗣曾奏摺

三三二

暫兼署閩浙總督魁綸題本

三三三

戶部「爲內閣抄出大學士阿等議覆廣州將軍存

奏」移會

三三四

禮部題本

三三四

兵部「爲內閣抄出福建巡撫徐嗣曾等奏」移會

三三五

浙江巡撫覺羅琅玕奏摺

三三七

給閩浙總督福康安勅諭

三三八

湖北巡撫惠齡題本

三三九

戶部「爲內閣抄出大學士公阿桂等奏」移會

三四〇

戶部題本

三四一

兵部「爲內閣抄出閩浙總督伍拉納等奏」移會

三四四

戶部題本

三四五

兵部「爲內閣抄出閩督伍等奏」移會

三四六

戶部題本

三四七

刑部「爲內閣抄出臺灣總兵奎林等奏」移會

三四九

刑部「爲內閣抄出臺灣總兵奎林等奏」移會

三五〇

戶部題本

三五二

四川總督李世傑題本

三五三

吏部題本

三五六

閩浙總督覺羅伍拉納題本

三五七

閩浙總督覺羅伍拉納題本

三五八

戶部題本

三六一

戶部題本

三六一

戶部「爲內閣抄出閩浙總督覺羅伍拉納奏」移

會

會

三四四

閩浙總督覺羅伍拉納題本

三四四

戶部題本

三四六

閩浙總督覺羅伍拉納題本

三四八

兵部「爲內閣抄出福建巡撫徐嗣曾奏」移會

三四〇

戶部題本

三七一

戶部題本

三七三

戶部「爲內閣抄出工部尙書金簡等奏」移會

三七四

兵部「爲內閣抄出閩浙總督伍拉納等奏」移會三七五

工部題本

三七六

兵部「爲內閣抄出大學士和等奏」移會

三七九

戶部題本

三八〇

兵部「爲內閣抄出臺灣總兵奎林等奏」移會

三八四

戶部題本

三八五

兵部題本

三八六

兵部「爲內閣抄出閩浙總督覺羅伍拉納奏」移

會

會

三八七

兵部「爲內閣抄出兼署福撫伍奏」移會

三八八

兵部「爲內閣抄出閩浙總督伍奏」移會

三八九

湖北巡撫福寧題本

三九〇

閩浙總督覺羅伍拉納題本

三九一

閩浙總督覺羅伍拉納題本

三九二

兵部「爲內閣抄出臺灣總兵奎林等奏」移會

三九三

刑部「爲內閣抄出臺灣總兵奎林等奏」移會

三九四

臺灣鎮總兵奎等奏摺

三九五

刑部「爲內閣抄出閩浙總督覺羅伍拉納奏」移

會

會

三九七

刑部「爲本部議覆福建水師提督兼管臺灣總兵

奎等奏」移會

三九八

戶部題本

三九九

戶部「爲內閣抄出漢字上諭一道」移會 赴臺官兵賞給銀兩

戶部爲移會事軍需局案呈內閣抄出漢字上諭一道相應恭錄移會稽察房可也須至移會者計粘單一紙右移會稽察房乾隆五十三年五月初九日

一件欽奉事內閣抄出五月初二日奉上諭此次調赴臺灣勦賊各官兵內四川湖南貴州等省俱經歷數省遠涉重洋曾降旨每名賞給銀二兩其廣東兵丁因其本係海疆又屬隣省是以未經賞給茲詢據派往帶兵事竣回京之大臣侍衛章京僉稱廣東兵丁打仗殺賊較廣西福建最爲奮勉自當一體獎賞用昭鼓勵所有此次廣東派赴臺灣之官兵着該督撫查明除漂泊各兵已經得賞外其餘出征兵丁每名賞給銀二兩以示旌獎勵戎行有加無已之至意欽此于本月初四日抄出到部行文訖

明清史料

戊編第四本

三〇一

國立中央研究院
歷史語言研究所

刑部「爲內閣抄出閩浙總督李侍堯奏」移會 五月十一日 擊獲偷竊餉賊犯審明辦理

刑部爲移會事福建司案呈內閣抄出閩浙總督李等奏前事一摺相應抄錄原奏移會貴處查照可也須至移會者計原奏一紙右移會稽察房乾隆五十三年五月日

閩浙總督臣李侍堯跪奏爲拿獲偷竊餉鞘賊犯審明辦理恭摺具奏事案查上年十二月內據廈門同知劉嘉會稟報據委員谷世峯押解赴臺餉銀六十鞘赴廈門配舡起運于十二月十一日晚運到寄庫查點缺少一鞘當即委員督率廳役並兵丁解役人等沿途挨查即將抬鞘夫林發吳輕二名緝獲並起獲原贓訊供通詳臣隨飭提訊究茲署藩司與泉永道萬鍾傑督同泉州府知府王右弼等審擬解勘前來臣卽親提該犯率同該司道等復加研鞫緣吳輕係晉江縣人于上年十二月初八日至同安縣當夫與南安縣人林發熟識適初十日委員谷世峯解餉銀六十鞘到縣該縣單瑞龍于十一日派夫頭林官編號雇夫轉解時吳輕欲同抬送林官未允當經林發力保將二十一號餉鞘銀一鞘撥給吳輕林發二人抬運該縣派役協同兵丁管解前進行至宋店地方歇息吳輕林發即商同偷餉銀議定對股均分時兵役催趕躋路林發答稱吳輕因病暫歇隨後卽至兵役人等隨押餉鞘前行至潯尾一同過渡詎吳輕林發沿途故意延挨至離廈門數里之下鍾山地方時已昏黑吳輕林發同抬石塊將鞘上兩頭鐵箍擊下吳輕用小刀割斷皮條復用石打開木鞘各取銀五封分路逃走維時各鞘俱已到廈經廈防廳會同委員谷世峯查點內缺一鞘卽派兵役同委員家人四路堵緝卽于十二日先後拿獲林發吳輕連原銀並解廈防廳彈收無缺仍交委員押解赴臺訊供通詳經臣飭提審辦據供前情不諱查律載常人盜倉庫錢糧但得財者不分首從併贓論罪又例載偷

盜餉鞘至一百兩以上者擬絞監候各等語此案吳輕林發商同竊盜餉鞘均分應同首論均合依竊盜餉鞘一百兩以上擬絞例擬絞監候但閩省自剿捕逆匪以來解送軍裝餉鞘一切雇用人夫優給價腳體恤極爲優渥乃該犯等以受雇抬送餉銀竟敢商同竊盜實屬目無法紀未便僅照尋常偷竊餉鞘例問擬絞候且現在凱旋兵差絡繹在在需夫若不嚴行懲創無以示儆是以臣于審明之日恭請王命卽行絞決以昭炯戒夫頭林官解役吳吉汛兵王得興等均照例枷杖革役所有審辦緣由謹會同護撫臣覺羅伍拉納恭摺具奏伏乞皇上睿鑒謹奏乾隆五十三年五月初一日奉硃批該部知道欽此 前件 五月初三日抄出到部改咨行文訖

硃批是卽有旨諭

給臺灣總兵普吉保勅諭

皇帝勅諭總兵官普吉保茲特命爾鎮守福建臺灣等處地方駐劄臺灣府城管轄本標中左右三營統轄北路副將臺灣水師副將澎湖水師副將臺灣城守營叅將南路營叅將南路下淡水營都司北路淡水營都司各營大小將領俱照題定經制事例管轄爾須操練兵馬振揚威武申明紀律撫恤士卒嚴明斥堠防遏奸宄修濬城池繕治器械相度地勢險易控制要害處所責成該汛弁兵力圖保障各營額兵務選補精強毋容積惰老弱糜餉一應本折糧餉聽該管衙門給發所部官丁必須嚴加鈐束秋毫無犯使兵民相安不得借打草放馬爲名騷擾農業如遇寇警卽統兵戮力剿捕不得觀望致悞軍機倘賊勢重大飛報總督巡撫提督發兵合剿務盡根株毋使滋蔓如有賊衆投誠察其實心向化卽與安插如招撫事體重大卽申報總督巡撫提督奏請定奪爾仍聽閩浙總督福建水師提督節制所屬副將以下聽爾節制千把總以下如有臨陣退縮殺良冒功乘機搶掠侵餉肥己者會同總督巡撫提督以軍法從事勒中開載未盡事宜皆申報總督巡撫提督叅酌施行一應錢糧詞訟民事俱係有司職掌不得干預文官遲悞糧餉及隱匿賊情不報者爾移會巡撫指叅從重治罪爾受茲委任須持廉秉公殫力奮勇殲寇固圉斯稱厥職如或貪黷乖張因循怠忽縱寇殃民貽悞封疆國憲具存爾其慎之故諭乾隆五十三年五月初三日

署理閩粵南澳總兵鄭元好題本 六月二十五日下兵

署理閩粵南澳總兵官印務廣東澄海協副將駐劄南澳臣鄭元好謹題爲恭報微臣交印回任日期事竊臣奉兩廣總督臣孫士毅委署南澳總兵官印務業將接署日期恭疏題報在案茲南澳總兵官臣陸廷柱赴臺灣征剿逆匪事竣回任臣於乾隆伍拾叁年伍月拾叁日遵將欽頒南澳總兵官關防壹顆王命旗牌伍面桿副節奉聖訓上諭御書及未填用火牌文卷等項差委本標右營遊擊陳天祥齎交接受外臣就日交卸仍回澄海副將任所有微臣交印回任日期理合恭疏題報伏乞皇上睿鑒施行爲此具本謹具奏聞乾隆伍拾叁年伍月拾叁日署理閩粵南澳總兵官印務廣東澄海協副將駐劄南澳臣鄭元好

(旨) 福建南澳鎮總兵員缺著廣東黃岡協副將張朝龍補授已有旨了該部知道

臺灣軍營將軍福康安等殘奏摺（移會抄件）

（上缺）一沿海大小港口私渡船隻宜嚴加申禁稽查也查臺灣全郡沿海鹿耳門鹿仔港係南北要口商民舡隻出入例應掛驗稽查現擬新設之八里坌海口亦應一體辦理其餘港口如淡水之八尺門中港後壠港大安港彰化之海香豆港三港水裡港嘉義之虎尾澳八掌溪笨港猴樹港鹽水港蚊港會西港鳳山之竹仔港東港打鼓港皆可容小舡出入無照客民民（疑誤）偷渡來臺灣者多在各處小港登岸原設防守汛兵因塘汛傾圮營制廢弛並不各歸汛地甚或得賄縱客任聽出入以致遊民私渡日多奸宄潛滋無從盤詰臣福康安帶兵進剿時屢奉諭旨嚴防海口以杜逆首逃竄之路遵即專派大員分駐並通飭各海口員弁凡有溪港通海之處一體嚴查即經拿獲洪則李淡等私渡兩案而竄至海口賊匪無不就獲正法可見認真巡緝奸匪自無從透越現已挑撥汛兵照舊稽察並於八里坌東港等處要口添兵駐守嗣後應責該管員弁實力稽查如能拿獲私渡奸民即將舡隻貨物賞給兵丁以示獎勵其有照商舡因風飄泊到岸者驗明牌照立即放行仍不許稍有留難藉啓需索之弊至此項私渡舡隻皆由內地小港私越出洋向有積慣舡戶客頭攬載圖利應請于內地沿海地方一體申明禁例實力訪拿庶可清私渡之源而海防亦昭嚴密矣

一臺灣南北兩路宜安設舖遞修治道路舡隻以肅郵政也查臺灣全郡地方遼濶郡城距廳縣治所遠者幾及千里近者亦不下一二百里向來遞送公文俱係番社應役而番社相距較遠馳遞不能迅速遇有要事信息難通自宜仿照內地安設舖遞每三十里一舖遞送文報于封面上填寫時刻以備稽考至處通衢要路本不寬展又被賊匪剗削

極窄數人不能並行臣福康安帶兵進剿時均繞道由稻田行走交春以後引水灌田尤爲泥濘難行況現已添設馬兵遇有搜捕盜賊馳突尤非所宜應于秋冬農隙之時令地方官逐加履勘酌以一丈五尺爲度一律修整以壯觀瞻而通行旅其淡水溪灣裡溪虎尾溪大突溪大肚溪大甲溪等處水深湍急徒涉爲艱每屆水驟漲月餘不通往來每處應設舡二隻傳送文書渡載民人實于公私兩有裨益以上各條謹就臣等見聞所及悉力心（疑誤）籌畫一酌定章程此外如宜講聖諭廣訓講明易犯條例欽定行軍紀律化導兵民及操練備戰兵丁禁止販賣鴉片等事皆係久奉行知分內應辦事件已飭地方文武各官申明定例毋仍以具文塞責總之立法必求盡善而整飭全在得人惟當實力奉行永遠遵守以仰副我皇上綏靖海疆之至意是否有當伏乞聖明訓示謹奏乾隆五十三年六月初六日奉旨大學士九卿議奏欽此

同日奉上諭福康安等奏清查臺灣積弊酌籌善後事宜一摺已令大學士九卿議奏矣內稱向來臺灣各營自總兵至守備衙門皆有兵丁聽候差遣分爲旂牌伴當內丁管班四項名目各有目兵管領總兵署內多至三百人副將以至守備依次遞減至少亦有三十餘人請嗣後將四項名目全行禁革各署內酌留該班兵丁輪流親自上班等語額設兵丁原以備差操防守之用乃臺灣鎮將各署內竟設有旂牌伴當等四項名目管領額兵總兵署內至有三百餘人之多以致各該兵丁分班輪值其餘俱在外自謀生理甚至有掛名在（疑誤）貼錢包差代班差操等弊實屬不成事體不可不嚴加禁革批閱之下殊爲駭異但臺灣既有此等情（事）恐別省提鎮將弁各署亦有似此者着各省督撫卽行詳悉嚴查毋許各提鎮將弁設立旂牌等名目私令所轄兵丁在署差用設或署中需人差遣原不妨酌留數

人聽用如有仍前設立名目任意役使兵丁至如許之多者即將該提鎮將弁嚴叅治罪務令額兵一體照常操演毋

(特)

許藉端曠伍致滋他弊至臺灣鎮道各員特有重洋間阻督撫耳目難周無不通同狗隱尤爲惡習前已降旨令將軍

督撫提督大員分年巡察第恐日久因循不能認真整飭嗣後該將軍等于每年輪往查察即將鎮將及道府廳縣各

員通行查核出具考語具奏其備弁佐雜各員應行考察咨部者亦一體留心查核一面咨部一面據實具奏務宜實

(劾)

力整頓秉公辦理毋得稍有狗隱袒庇情事倘在臺各員有貪縱殃民款跡別經發覺即將未經叅効之人從重治罪

再臺灣遠在海外如遇有緊要案件該處道員雖原准與總兵會銜具奏但鎮道本不相統轄若必待會銜易啓扶同

瞻徇之弊且海洋風帆靡常往來商辦動稽時日亦多未便前將萬鐘傑補放臺灣道時特令加按察使銜原欲令該

員遇有應奏事宜得以自行陳奏嗣後凡遇有補放臺灣道員者俱着加按察使銜俾得自行奏事該道膺茲重任倍

當激發天良盡心辦理實力整頓方爲不負任使福康安等摺併發欽此 于初十日抄出到部行文訖

大學士公阿桂等奏摺（移會抄件）

大學士公臣阿等謹奏爲遵旨議奏事內閣抄出協辦大學士陝甘總督將軍公福等奏清查臺灣酌籌善後事宜一摺乾隆五十三年六月初六日奉旨大學士九卿議奏欽此臣等謹將所奏各事宜逐款分別核議開列進呈

一奏稱向來臺灣各營戍兵離營散處技藝生疎卽遇操演之期亦復虛應故事並不按名全到茲當整飭之時已將修建營房添兵按汛增設騎操馬匹等事次第辦理營制更新亟須嚴定章程認真操演以收實效嗣後水陸各營按照操演鎗箭之期兵丁等齊集教場逐名點驗不許一名不到將備帶同弁目親往較閱分別等第開單登記卽將操演原摺呈報該鎮親自較查倘有虛捏或操演不能按期立將該管將備揭報查叅其分防營汛毋論衝僻地方均應一律按期操演一體開單呈報隨時抽驗並委員親往查察以別勤惰凡該鎮查閱原單並抽驗過各營兵丁技藝名冊等第統于年底彙送總督衙門察核並存底冊一分俟將軍督撫提督等巡查操演時照冊查驗如與原冊相符兵丁技藝嫺熟奏明將該鎮交部議叙如有捏報不實卽行嚴查叅究等語查操演兵丁技藝爲營伍第一要務全在該管將備實力整頓訓練有方該鎮尤須嚴立規條隨時查察今將軍福等將各營操演立法稽查臣等悉心核議應如所奏嗣後水陸各營操演兵丁齊集教場毋許一名不到將備帶同弁目親往較閱分別等第開單登記卽將操演原冊呈報該鎮親自較查其分防營汛毋論衝僻均一律按期操演一體開冊呈報隨時抽驗並委員親往查察倘有虛捏或操演不能按期卽將該管將備隨時揭叅分別議處並令該鎮將閱過並抽驗各營兵丁技藝名冊等第造冊二分一分于年底彙送總督察核一分存底俟將軍督撫提督等巡查操演時照冊查驗果與原冊相符兵丁技藝嫺熟

者准將該鎮奏請議叙如有捏報不實即將該鎮嚴叅議處庶該鎮及將弁等咸知振勵而營伍自臻整飭矣

一奏稱臺灣澎湖爲海疆重地額設水師戰船以爲巡哨之用例應將備帶領弁兵按月出巡所轄洋面及本汛地方緝拿盜賊近年以來營伍不能整飭將弁等心存涉險畏難之見怠惰偷安不諳舟楫有汛防之名無巡哨之實洋面盜劫頻聞莫能禁戢殊非慎重海疆之道查洋盜雖係亡命匪徒未嘗不患覆溺其竄匿之地必有偏僻島嶼可以避風取水者方能停泊亦必于颱風不作之時方敢出洋行劫至于私渡民人尤非盜賊可比灣泊之處更易巡邏官兵若能于近邊口岸留心搜捕斷無不獲之理嗣後應令水師將弁按期親自出洋周歷各處實力哨查不得裝點軍容張揚聲勢預驅賊匪走避徒衍虛文仍將出汛回汛日期報明督提各衙門稽核務將港澳之險易風信之向背及駕船之柁繚斗碇諸事講求通曉時時操練自可漸臻純熟如能擒拏盜賊匪徒者准其記功陞用倘敢空文申報僅在內港往來虛應故事查出立即嚴叅究辦等語查臺灣澎湖孤懸海外況當滋事之後尤宜嚴密巡查不得有名無實徒事虛文應如將軍福康安等所奏嗣後令水師將弁按照巡期親歷各處實力哨查不得裝點軍容張揚聲勢轉致賊匪聞風遠颺仍將出汛回汛日期報明督提各衙門稽核凡港澳之險易風信之向背及駕船之柁繚斗碇務須諸事講求通曉時時操練以臻純熟該將弁等能于巡期內擒拏盜賊審明時如係本境應行緝捕之犯除拏獲及半照例免叅疏防外其在疎防限內全案拏獲者准其加一級若于疎防限外全案拏獲准其紀錄二次如係鄰境劫掠案件該將弁能首先拏獲其本汛並無承緝未獲逃盜外准該督撫專摺聲明具奏請旨送部引見恭候欽定倘有不肖之員僅在內港往來畏怯風濤不親身帶兵出洋巡緝一經查出立即嚴叅從重究辦如此立定章程功過兩不相淹

(掩)

則海洋盜賊自可弭戢矣

一奏稱臺灣鎮總兵向例于每年冬間巡查南北兩路各營供應尖宿四十八年以後漸至派送夫價而沿山沿海偏僻汛地並不親歷周巡往返皆由大路南至鳳山北至竹塹而止上淡水營及下淡水營兵丁祇係酌調抽驗殊非慎重營伍之道嗣後總兵巡查全郡一切供應夫價盡行革除不許絲毫派累惟是總兵出巡必須酌帶弁兵一二百名方足以壯聲勢向來出差兵丁並無盤費難保無需索情弊應照內地出差官兵給與差費之例酌給盤費入于本省公費內報銷所有巡閱地方務須北自淡水石門南至鳳山水底寮毋論衝僻汛地一律按汛操閱兵丁技藝點驗屯番並令留心察訪弁兵如有包差庇賭者立即嚴行懲治巡查後將營伍地方情形據實陳奏一次倘該鎮仍蹈故轍勒索夫價一經查閱之將軍督撫提督等查出卽照枉法贓從重治罪等語查總兵每年冬間巡閱南北兩路營伍其沿途需用夫役理應自行出資雇覓如有仍前勒索各營將弁折收夫價應如將軍福等所奏計枉法贓科罪至所稱該鎮出巡帶去兵丁照內地出差官兵給與差費之例入于本省公費報銷之處亦應如所奏行令該省督撫轉飭查照辦理並將所給兵丁盤費銀兩入于本省公費報銷冊內送部查核其巡閱地方務須北自淡水石門南至鳳山水底寮毋論衝僻汛地一律操閱兵丁技藝點驗屯番如有包差庇賭等弊立即嚴行懲治並于巡查後將營伍地方情形據實陳奏一次以憑查核

一奏稱臺灣營伍廢弛總由總兵營私牟利備弁等相率效尤縱容兵丁離營他出貿易謀生甚至包庇娼賭無所不爲將惰兵驕實由于此現已將各處營汛兵房一律趕緊興修分派安設又蒙皇上天恩俯念兵丁渡洋遠戍令於叛

產內酌量撥給收取餘息以爲貼補當差之用從此各兵生計有餘又有兵房可資棲止應責成各鎮將都司守備等嚴行約束除操演日期按名點驗外平時仍派員逐日稽查如不居住兵房在外遊蕩卽行革伍枷號半年遞回原籍嚴加管束永不許食糧入伍倘敢仍前貿易包庇娼賭從重加等治罪並將不行查察之員嚴行叅處其分駐地方卽交該汛弁稽查如本汛狗庇容隱准令鄰汛弁目一體舉報至地方賭博固屬兵丁不行查禁而胥役亦不無庖庇之事嗣後應令兵役互相稽察呈報鎮道從嚴辦理若鎮道不行究辦經巡查將軍督撫等察出卽治以狗縱之罪等語查臺灣戍兵除操防外遇有賭博窩娼等事卽應呈報該管官實力查拏倘不肖兵役膽敢仍前貿易包庇娼賭均應從重加等治罪應如將軍福等所奏兵役人等包庇娼賭卽應照窩頓流娼土妓引誘局騙及得受娼家財物挺身架護者照窩賭例治罪如係偶然存留爲日無幾枷號三個月杖一百其窩賭月日經久者杖一百徒三年再犯杖一百流三千里得受娼家財物准枉法計贓從重論至不肖兵丁不按伍當差離汛貿易一經查出卽照管軍千總把總縱放軍人出外買賣空歇軍役一名杖八十每三名加一等罪止杖一百罷職律加等問擬若受財賣放者以枉法從重論兵丁如不居住兵房把守汛地在外遊蕩卽行革伍枷號半年遞回原籍嚴加管束永不許食糧入伍其該管之地方文武員弁兵役人等並鄰汛弁目不行查察舉報卽行分別嚴叅治罪該管地方各官狗庇容隱不行呈報鎮道而鎮道不行究辦卽照知情故縱律治罪受財者計贓以枉法從重論其失于覺察者照約束不嚴例議處

一奏稱臺灣各營自總兵至守備衙門皆有兵丁聽候差遣分爲旂牌伴當內丁管班四項各有目兵管領總兵署內多至三百人副將以至守備依次酌減至少亦有三十餘人分班輪值其在外自謀生理者多在四項內掛名貼錢代